



Maminna dinen i Elisabet de'i araunting, maminna anam bulan arauntinga, jaji malaikat Gabriel dinen dasuro' kole'a Alatala lamba' lo'a banua Nasaret propinsi Galilea. Jaji barik dinen daia manuju lo'a babainye bungasen, i Maria asanna. I Maria dinen mamin sitajuk nanna babaka iasanen dinen i Yusup. I Yusup dinen kanturunanna baki' Raja Daud.



Jaji manjarum bapi malaikaten,
"Ada' atakuten Maria'e," ingka
kenang. "Kole'a Alatala mamin
pamondokang kamaamanna atena
lo'u," ingka kenang. "Daiko ona'
arauntingko. Iparanakang iko
ona' anak babakaan. Jaji
arung iasan barik iko i Yesus.
Anaku ona' dinen to' baraa pakaina.
To' iasan Anaka Alatala yang paling
bakuasaan."



“Jaji daia dinen to' dameang kadudukan kole'a Paraampuanka' Alatala, dapadari raja di kangkamanna arabaki'ka'jo ijoloon, Raja Daud,” ingka kenang. “Daia ona' to' mamarinta lo'a kanturunanna i Yakub dinen sampai salaun-launna. Na'an to' akaus kangkamanna dinen,” ingka kenang dinen malaikaten lo'a i Maria.



Jaji barik mangatoani bapi i Maria lo'a malaikaten, "Ai lo'a bisaku' araunting aranak? Daiak di'en anak babainye bungasak," ingka kenang manjaruma lo'a malaikaten.

Jaji barik manjarum bapi, dasauti kole'a malaikaten dinen, "To' mondok ona' Sumangat Bareseen lo'u."



"To' dakarungiko kole'a kuasana Tau
Palin Bakuasaan. Jaji yang to'
iparanakangen iko dinen to' iasan
barik Anaka Alatala,"
ingka kenang.



Jaji nanga dinen barik i Maria dinen tarangkat, lamba' karuru-karuru lo'a banua daerah Yudea di gulungan ukiten. Jaji maminna mondok dinen intama lo'a saona i Sakaria, terus manjarum lo'a i Elisabet mameang salam, "Salam," ingka. Jaji dadalinga dinen unyina jaruma i Maria kole'a i Elisabet, anaka ilalam batangapi dinen pakaji'-kaji'.



Jaji i Elisabetpi dinen dakuasai barik kole'a Sumangat Bareseen. Jaji barik manjarum dinen i Elisabet nanna unyi baraana pamondokang jalu maamen lo'a i Maria, "Dauntungiko Maria'e, labi lo'a gulungan babainye bokanen. Anakupi dinen yang to' iparanakangen ona', bauntung bea," ingka kenang.



Jaji tutulanna paranakanga i Yesus Kristus kenang.
Mulakata dinen yang Mariaan
induna i Yesus dinen, taju'a i
Yusup. Poangsi i Yusup
dinen nampi satindo'an,
nampi siala nanna i
Maria. Jaji barik
ilalam sitaju'a dinen
i Maria dinen
araunting, arauating
kole'a Sumangat Bareseen.



Jaji barik datamu kole'a tauen arauntinga, i Yusuppi dinen to' sarak nanna taju'a, kole'a i Yusup dinen tau yang tapaten. Poangsi saraka dinen alibak idukasang di arona tau bayu'en, alibak pawa'-awa'ani lo'a i Maria. Jaji to' urusi poang kalena.



Jaji dapikirang kole'a i Yusup kaputusan to' sarak dinen, andian malaikata Paraampuan pasidua'ang kalena nanna i Yusup ilalam muina. "O Yusup, anak kanturunanna Raja Daud," ingka, "ada'ko kalangganganen siala nanna i Maria. Buntinga dinen okan anaka nanna mantuariin. Butinga kole'a kuasana Sumangat Bareseen," ingka kenang. "Jaji aranak ona' dinen anaka, babakaan. Arung



iasan iko ona' i Yesus."

"Kole'a ia yang to' malapasangen lo'a anak katio'anna dari ukum dosa-an," ingka kenang malaikaten lo'a i Yusup. Jaji asading barik i Yusup, terus dala dinen i Maria awan lalo paba'ina malaikata Paraampuanen dinen. Jaji ilalam sialana dinen, nampi sarilao' tindo' launna nampina aranak i Maria. Jaji aranak barik dinen i Mariaan, anak babaka. Jaji daasan kole'a i Yusup, i Yesus.



Jaji waktu nanga dinen barik Raja Agustus, raja Roma dinen mamarinta lo'a ambata tau kangkamanna manyuro' mandaptar diri'a itiang sensus. Jaji samuana mandaptar



diri'a lo'a banua diri'a sera-serana.



Waktu nanga Raja Agustus dinen mamarintana, jaji i Kirenius dinen padari gubernur di negara Siria. Dinen lalo pandaptaran yang mulakataan. Jaji barik i Yusuppi dinen tarangkat bea to' mandaptar



kalena, ira nanna taju'a dinen yang iasanen i Maria.



I Maria dinen araunting. Jaji lamba' ira dari banua Nasaret daerah Galilea dinen lo'a daerah Yudea, banua Betlehem, banuana Raja Daudjo ijoloon. Kole'a i Yusuppi lalo dinen kanturunan Raja Daud.



Jaji barik lamba' dinen,
mondok lo'a Betlehem,
inang di Betlehem
bainyenapi yang i
Mariaan mamin
mondok bulanna.
Jaji apadis
batanga.



Apadisa batanga dinen laloang aranak, babakaan.
Barik dinen anaka daliliti nanna kainen,
dapalenga' di pampalungen.



Ratina dapalenga'a di pampalungen kole'a ira dua lakunyeen dinen de'i na'an mandua'ang kosan di sao tumpangan. lalalo dapalenga'a dinen di pampalungen.



Jaji mainso' di banua dinen de'i, andian tau maruangi
dombaan di malamen. Barik dinen paita malaikata
Paraampuanen. Mondok dinen

kamaamanna Alatala yang
manyalang
kulilingen.
Darawangi
kausa jalu
dakitaan



kole'a panuntuani
dombaan dinen.



Atakut jaji dinen tau panuntuaniin mamele
jalu arawangen. Jaji barik manjarum dinen malaikaten
lo'a panuntuani dombaun dinen,
"Ada'kin atakuten."



"Kole'a daiak di'en pamondokku' to' kujarumang lo'in dongo maamen yang manyuro' sasau jaji nyawana urangin samuanin," ingka kenang.

"Kole'a aso di'en bua andian tau



iparanakangen
di banua
Betlehem, Raja
Pangatio'en."



"lalalo Kristus Paraampuanka', tau yang dabayaan
dinen," ingka kenang dinen jaruma malaikaten. "Jaji
di'en lalo tandana lo'in, ti' idua'ang
ona' ikin nangkanaken

daliliti
nanna
kainen,
dapalenga' di
pampalungen,

dinen
lalo iaan," ingka
kenang malaikaten
lo'a panuntuani
dombaan.



Jaji barik sadinga poang paitana andian bapi bayu'
tapat malaikata Alatala ibiringa malaikat
dinen. Jaji mamudi-mudi lo'a Alatala,
Ipudi



asanna Alatala di
kosanna, yang
palin bajao'en iaset.



Di duniaanpi di'en ipamondokang sikamaamanen
antarana tau yang dakamanya'iin,
ingka kenang mamudina malaikaten
lo'a Alatala.



Mamin dinen barik, gulungan malaikaten
dinen mole' balik lo'a Surga. Maminna
mole' lo'a Surga dinen, ambata
panuntuani domba'an dinen sjaruman
sera lo'a seraan, "Se'," ...



. . . ingka kenang siawana, "lamba'ki' lo'a Betlehem mamele jalu yang dajarumangen dinen kole'a Paraampuanen, ti'en ai lo'a balu'a," ingka kenang sjarumanna panuntuani domba.



Jaji barik babariar lamba'a samuana lo'a dinen. Maminna lamba' dinen lo'a Betlehem, andian sidua' nanna ira talu panak dinen, i Maria, i Yusup, nanna anaka dinen.



Nangkanak dinen lenga' di pampalungen.
Dabele awan dinen, jaji manjarum barik
panuntuani domba'an, manutul lo'a jalu
maminen dakita, lo'a jalu maminen
dadalinga dinen, jaruma
malaikaten.



Jaji barik i Yesus
paranakanga,
daparanakang di
banua Betlehem
propinsi Yudea
inang.

Waktu nanga dinen
Raja Herodes mangkama. Jaji
barik andian tau mondok lo'a
Yerusalem dari timur, tau yang
andiannen panamuna pande
mamele bintangen.



Jaji barik manjarum,
"Isasi tau yang
iparanakangen dinen
yang to' jaji Rajana
tau Yahudiin?"
Ingka kenang
lo'a

tauen di Yerusalem matoanina.
"Daikam mondokam lo'a di'en, to'
manyembakam lo'a. Kole'a
andianna tandana di bintangen
ikita ikam inang di Timur," ingka
kenang manjaruma lo'a tau inangen.



Jaji mamin akaus jarumda'
tau imamen nanna toa
adaten, dasuro' mondok
bapi dinen tau pande
mamele bintangen. Jaji
manjarum bapi lo'da' sara
malamun, dakatoanang
lo'da' tanggala paitanajo
bintang dinen. Jaji
dajarumang kole'da'.



Mamin dajarumang, dasuro'
malamba'i banua Betlehem,
"Paraksa ikin lo'a dinen,"
ingka kenang. "Mamelekin
maam-maam. Mamin itamu
ikin kosanna, manjarumkin
bapi lo'ku' mainto' kutamuna
lamba'en lo'a dinen. Daiakpi
to' manyembaak bea daiak
lo'a," ingka kenang
manjaruma lo'da'
tau pande
mamele
bintangen.



Jaji akaus jaruma Raja Herodes dinen, tarangkat bapi
ira. Andian bapi dinen bintangen lamba' ijoloda' sampai
mondok lo'a kosanna nangkanak
dinen laloang manaat ibona.



Jaji mondok inangen barik, intama lo'a sao dinen, dakita kole'da' i Maria nanna nangkanak dinen. Laloang

paraba' kalena manyemba lo'a

nangkanaken. Laloang dabuka'

bea dinen anak bebe'da'

daruarang dinen jalu to'

daunjukangen lo'a

nangkanaken dinen,

ambata amasen,

ambata kamanyanen

dinen nanna inyak

muren.



Jaji barik mamin dinen de'i, irapi dinen mole' lo'a
banuada' mamakai dalam bokane. Kole'a de'i andian
paba'ina Alatala lo'da' ilalam muina,
dapase'ang dalam mansanga
lo'a Raja Herodes.



Jaji barik maminna talalo
dinen tau pande mamele
bintangen dinen, andian bapi
malaikata Paraampuan
payoang kalena lo'a i Yusup
di muina. Jaji barik
manjarum, "O Yusup,
asadingko. Nangkanak
dinen nanna induna
palinang.

Arung irariang iko lo'a
banua Mesir," ingka kenang.



"Kole'a Raja Herodes dinen
manyari lo'a, to' mauno' lo'a,"
ingka kenang. "Jaji lalako'
poangkin indinang. Bele
poang ona' kujarumanga lo'u
manyuro' mamalin,"
ingka kenang malaikata
Alatala. Jaji barik asading
i Yusup di malamen
laloang daawa



nangkanaken nanna
induna dapalinang lo'a Mesir.





Inang barik lalako'a ira dinen
launna nampina mate Raja
Herodes. Ratina kenanga,
mainto' adarina bayana
Paraampuanen malaloi
panjaruma, Anakku'
kukalong, kusuro'
maruar dari Mesir, ingka
kenangjo panjaruma
Alatala.



Jaji barik Raja Herodes dinen
datamu diri'a mamin daakal
kole'a tau pandeen mamele
bintangen dinen, ajau'
jaji nyawana.





Jaji barik dasuro' ambata
tentaraan nanna gulungan
sardaduun lamba' lo'a banua
Betlehem nanna ambata
banua sibiringanen dinen.



Golongan ambata nangkana babakaan yang inyaunga umur duang taunen akaus dauno'.



Jaji ratina kenanga,
dakatoananga lo'a tau
mamele bintangen dinen de'i
tanggala paitana dinen
bintangen, mamin kira-kira
duang taun yang laloon, ingka.





Jaji mamin barik mate Raja Herodes dinen, mondok bapi malaikata Paraampuanen lo'a i Yusup di banua Mesir, paitang kalena ilalam muina.

Jaji barik manjarum malaikaten lo'a I Yusup, "O Yusup, asadingko."



“Na dinen nangkanaken
nanna induna awa mole'en
lo'a Israel. Mamin mate
dinen tau to' mauno'en lo'a,”
ingka kenang ilalam muina
dinen i Yusup.





Jaji barik mondok lo'a Israel, to' mole' lo'a Yudea, atakut kole'a dadalingana dongona i Arkelaus mamin manyurang lo'a amana padari raja di Yudea.



Jaji daawa poang, dakapi'ang lo'a daerah Galilea kole'a andian bapi paba'ina Alatala ilalam muina.



Jaji barik lalako' di banua Nasaret. Na kenang
adarina bayana yang
dajarumangen malaloi
panjaruma Alatala,
Daia dinen



ona' to' daasan urang
Nasaret, ingka kenangjo
ilalam bayana Alatala.



lalalo ratina matena
dinen. Kole'a baraajaji kasaanga Alatala
lo'ka' anak mantuariin, sampai Anaka
yang seseraan daparuarang mate
mainto' na'anka' mate idukum,
mainto' dapatka' tio'
salaun-launna, yang iki'
parasaya'en lo'a.



Roma 3:23 Kole'a samuaka' sama rata mamin badosa. Na'an tuli kamaamanka', na'an sama nanna kamaamanna Alatala dinen yang paling patut ipudiin. Bajao'pi kausaka'.

Roma 6:23 Kole'a opa' dosa-an ialalo dinen kamateanen. Poangsi laan pameanga Alatala dinen yang dameang lo'ka' kenang poang kenang. Daawaki' tio' salaun-launna kole'a maminki' dapasera nanna Kristus Yesus Paraampuanka'.
Kenang ratina.

Ibrani 9:27 Jaji daiki' di'en anak mantuariin sera-seraka' arung mate sakali. Maminki' mate sakali, arungki' madap di arona Alatala. To' daurusiki'.



Epesus 2:8,9 Kole'a okan panamu diri'ka' yang manyuro' lo'ka' dakatio' dari ukum dosa-an. Yang manyuro' tio' lo'ka' kamaamanna atena Alatala. lalalo dinen pameanga Alatala yang itarima'en iki' malaloi kaparasaya'anka'. Okan dari jalu i karajaanen iki' awan opa'ka'. Dinen pameanga Alatala yang kenang poang kenang mainto' kosan tau pandeen bagap.

Roma 10:9,10 Na'an badidit. Kole'a ati'en dari baba'ka' dinen iaku' i Yesus dinen Paraampuanka', sampai mondok lo'a ateka' parasaya'ka' kole'a Alatala mamin matio' lo'a dari matena, inang lalo manyuro' lo'ka' dakatio' barik.

Kole'a di ateka' lalo parasaya'ka', dari baba'ka' lalo mangaku'ka'. Manyuro' lo'ka' barik daanggap tau tapaten di arona Alatala, manyuro' lo'ka' dakatio' dari ukum dosa-an. Kenang ratina.



Yohanes 3:16,17 lalalo ratina matena dinen. Kole'a baraa jaji kasaanga Alatala lo'ka' anak mantuariin, sampai Anaka yang seseraan daparuarang mate mainto' na'anaka' mate idukum, mainto' dapatka' tio' salaun-launna, yang iki parasaya'en lo'a. Alatala manyuro'a lo'a Anaka lo'a duniaan di'en, na'an to' itiang maukum lo'ka', itiang patio' lo'ka', yang iki parasaya'en lo'a Anaka.

1 Yohanes 5:11-13 Jaji saksina, kenang. Ilalam jarum saksina yang darantangen nanka' dinen, daasan mamin daia mameang lo'ka' katio'an yang salaun-launnaan, dameang malaloi anaka. Jaji intain maminen mandua'ang anaka, mamin bea mandua'ang katio'an yang salaun-launnaan. Intain nampiin mandua'ang anaka, nampi bea mandua'ang katio'an salaun-launnaan. Kenang ratina. Na, jaji samuana dinen kusuratang lo'in yang maminen parasaya' lo'a asanna anaka Alatala, mainto' itamuna ikin maminnin mandua'ang katio'an yang salaun-launnaan.



Matus 1-2; Lukas 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Embaloh Bible (emb) Copyright New Tribes Mission 1997

<https://live.bible.is/bible/EMBGPA/GEN/1>

©2026 Bible for Children, Inc.

www.M1914.org

www.bibleforchildren.org

